

ԱՐԻԱՆԱԿ ԵՍԱՅՈՒ ԿԻՍԻԷԿԵԱՆ. ծնունդ է Կարանդայի Մխտորաշէն գիւղում 1892թ. Ժողովրդական ուսուցչի վկայականով աւարտել է Շուշուայ հայոց թեմական դպրոցը, Իրրես ուսուցիչ աշխատել է ճարտար գիւղի, Ստեփանակերտի, իսկ 1927թ. Բաբուս հաստատուելուց յետոյ՝ տեղի հայկական դպրոցներում, 1949 թ. աքտորուել է Ալթայ, վերադարձել է 1956թ. Մահացել է Երևանում 1972թ. (7):

1919-1920թթ. նա ընտրուել է Կարաբաղի Հայոց Ազգային Խորհրդի անդամ, Ցրդ համազումարի բարտուղար, Ճանակցել է 1919թ. Օգոստոսի 22ի համաձայնագրի նախապատրաստման ու ստորագրմանը, այնուհետև 1920թ. գարնանը ծառայուած ռազմա-քաղաքական իրադարձութիւններին:

Խորհրդային կարգերի հաստատման առաջին իսկ օրերին բանտարկուել է, ապա ազատուել 1921թ. Յունուարին ու ողջ կեանքում, ընդհուպ մինչև աքտորը, կրել «քաղաքականօրէն անբարեխոյս» անհատի տառապանքները:

Ա. Կիսիբէկեանը թողել է ծառայուն, արժէքատու յուշերի 9 ճատեան, որոնցից ստորև ներկայացնում ենք քաղուածքները (ՀՀ պատմութեան պետական կենտրոնական արխիւ, ֆ. 314, դ. 1, գ. 34):

ԱՎԱՐԿ ԴԱՉԻՅԵԱՆ

Հայկական բանակի գլխաւոր ուժերը, գեներալ Դրոյի հրամանատարութեամբ, Չանգեզուրից մտան Դարաբաղ եւ բռնեցին ամբողջ ռազմաճակատը, որպիսի հանգամանքը չէր կարող յայտնի լինել թշնամուն: Դրոն գնդապետ Չ. Միսեանի հետ մտաւ Սարաշէն: Այդ ժամանակ շտաբումն էր Հայաստանից եկած գործիչների ղեկավար Արսէն Յովհաննիսեանը մի քանի հոգու հետ:

որ գտնուում էր Դարաբաղում: Այդ մի քանի օրուայ ընթացքում, հսկայական կարեւոր փոփոխութիւններ էին տեղի ունեցել: Այլեւ անհանդուրժելի էր պայքարը շարունակել նախկին ձեւով:

Ներքին Թաղավարդ գիւղում հրախրուեց կոնֆերանս, որտեղ պէտք էր ընտրել հեղինակաւոր մի մարմին, որը ընդունակ լինէր շա-

քիւնը միանգամայն իրիտուց: Ասկեարանը գրաւուեց ու Դարաբաղի բոլոր շրջանների միջեւ կապ հաստատուեց, լրացնելով այն խոշոր բացը, որը սոսկալի հարուած հասցրեց պայքարին. կազմուեց ընդհանուր հրամանատարութիւն: Դարաբաղի եւ Չանգեզուրի միջեւ ստեղծուեց ազատ յարաբերութիւն. այդպիսով Հայաստանի հանրապետական կառավարութիւնն իր ձեռքն առաւ Դարաբաղի աշխատանքութեան ազատագրական պայքարը ու նրա ղեկավարութիւնը:

Այս բոլորն Ադրբեջանի մուսաւաքական կառավարութեանը համոզեցին, որ այլեւս հանգոյցը հեշտութեամբ չի լուծուի, ուստի հարկաւոր էր անել յուրք մտածել, որովհետեւ նա այլեւս գործ չպիտի ունենար անգէն ու անօգնական մի բուռ ժողովրդի հետ:

Այս ամենով չվերջացաւ հարցը: Դարաբաղը պէտք էր ապահովել ռազմամթերքով: Այդ պատճառով կազմակերպուեց ծիանների ու ջորիների մի գրաստագումակ, որն սկսեց Չանգեզուրից ու այլ վայրերից անդադար, գիշեր ու ցերեկ, գէն ու ռազմամթերք տեղափոխել: Այդ գործի ղեկավարն էր Գանձակի շրջանի Բանանց գիւղացի, Բաշ ու անվեհեր, հսկայ կազմուածքով Թաթուրի Գրիգորը, որն իր տրամադրութեան տակ ունէր նաեւ իր սեփական եօթ ջորիները:

Ռազմամթերքը կենտրոնացուեց գանազան պահեստներում: Ա-



Դ Ի Ր Օ Ն Դ Ա Ր Ա Բ Ա Ղ Ո Ւ Մ

րունակելու Դարաբաղի աշխատանքներում արդար պայքարը մուսաւաքական ռեալիզմը կառավարութեան անարգ լծի դէմ ապահովելով նրա իրաւական, ֆիզիկական գոյութիւնն ու հանգիստը: Այդ նպատակով ընտրուեց Լեոնային Դարաբաղի կառավարչական օրգանը, որը բաղկացած էր հետեւեալ բաժիններից.

1. Կառավարութեան նախագահ՝ Արսէն Յովհաննիսեան,
2. Ներքին գործերի բաժին՝ Ա. Աւետիսեան,
3. Զինուորական գործերի բաժին՝ գեներալ Դրո,
4. Պարենաւորման գործերի բաժին՝ Խաչիկ Մելիումեան,
5. Գաղթականական գործերի բաժին՝ Յարութիւն Թումեան,
6. Աշխատանքի գործերի բաժին՝ Արշաւիր Քամայեան,
7. Առողջապահական գործերի բաժին՝ Լիւդվիգ Տէր Գրիգորեան,
8. Արդարադատութեան գործերի բաժին՝ Ռ. Համազայեան:

Կոնֆերանսն առայժմ բաւարարուեց միմիայն այդ բաժիններով:

Կառավարութեան ամբողջ կազմը իր բաժիններով տեղաւորել միայն մի գիւղում՝ այդ հնարաւոր չէր, ուստի տեղաւորուեցին իրարից մօտիկ մի քանի գիւղերում: Այսպէս՝

1. Կառավարութեան կենտրոնը ընտրուեց Չանաթաշի գիւղը: Այստեղ տեղաւորուեցին նախագահը եւ ներքին գործերի բաժինը:
2. Զինուորական բաժինը տեղաւորուեց Դարաբաղ գիւղում, իսկ նրա մի մասը, գլխաւորապէս սպայական կազմը՝ Խաչմաչ գիւղում:
3. Գաղթականական եւ պարենաւորման բաժինները գտնուեցին Սիստորաշէն գիւղում:
4. Արդարադատութեան, աշխատանքի եւ առողջապահական բաժինները գտնուեցին Ներքին Թաղավարդ գիւղում:
5. Ընդհանուր շտաբը մնաց իր նախկին տեղում՝ Սարաշէնում, որը բոլոր ռազմական ճակատների կենտրոնական կապի տեղն էր:

Այսպիսով, Լեոնային Դարաբաղի աշխատանքներն ապահարն ստանում էր անելի յուրք ու կազմակերպուած բնոյթ:

պահովուեց գօրքը պարէնով, որ ստացուում էր գիւղացիներից վճարելով նրանց արժէքը: Այստեղ շրջանառութեան մէջ մտան Հայկական Հանրապետութեան դրամանիշերը:

Ադրբեջանական սահմանակից հայկական գիւղերում կենտրոնացրին գօրագնդեր՝ ժողովրդին ապահովելով թշնամու յանկարծակի յարձակումներից:

Բոլոր ֆրոնտներն ու կենտրոնական գիւղերը միացուեցին հեռախօսային գծերով:

Շուշին ու Խանկենդը շրջապատեցին այնպես, որ ոչ ներսից կարող էին դուրս գալ, եւ ոչ էլ դրսից ներս մտնել: Շուշիում պաշարուածներն ստիպուած էին իրենց կապը պաշտպանել Աղդամի հետ գիշերները, գոյնգոյն լապտերների ու գանազան ազդանշանների միջոցով:

Դարաբաղ եկաւ գնդապետ Թարխանեանի (Կուռօ) հրամանատարութեամբ մի հեծեալ ջոկատ, որը կանգ առաւ Գիւնէ Ճարտարի կալերում՝ եւ սկսեց հետախուզել տեղանքը:

Վարանդայի եւ Դիզակի գանազան կետերից բաց էին թողնում փոքրիկ ջոկատներ, որոնք տասնեակ կիլոմետրերով խորասուզուելով թշնամու տերիտորիայի խորքերը, կատարում էին հետախուզութիւններ եւ ոչ մի տեղ չէին հանդիպում նրան: Կազմակերպուեց պարենաւորման կայան: Գաղթականները կայանից բաժանուում էին գիւղերի վրայ: Ամեն մի գիւղում ընտրուեց գաղթականական կոմիտէ, կամ մարմին, բաղկացած երեք հոգուց, որը հոգում էր նրանց կարիքները տալով բնակարաններ, հաց եւ այլ մթերքներ: Կոմիտէն ունենոր գիւղացիներից ժողովում էր ցորեն, ալիւր, հաց եւ վճարում արժէքը, որն ստացում էր պարենաւորման կայանից՝ գաղթականական տեսուչների միջոցով: Տեսուչների աշխատանքն էր գաղթականներին բաժանել գիւղերի վրայ՝ ի նկատի ունենալով գիւղի մեծութիւնը, նրա տնտեսական դրութիւնը ու բնակարանային յարմարութիւնները: Տեսուչները շրջում էին իրենց յանձնուած շրջանի գիւղերը, տեղն ու տեղը ստուգում գաղթականների վիճակը, բնակարանային յարմարութիւնները, ծանօթանում

նրանց կարիքների հետ եւ ըստ այնմ էլ ձեռք առնում համապատասխան միջոցներ ու, ժամանակ առ ժամանակ, գիւղի գաղթականական կոմիտէի հաշիւներն ստուգում ու վճարում նրանց արած ծախսերը՝ մթերքների արժէքը:

Ապահովելով Դարաբաղի սահմանները, գաղթականներին առաջարկեցին վերադառնալ իրենց գիւղերը եւ գրաւուել իրենց տնտեսութեամբ՝ միեւնոյն ժամանակ շարունակելով նաեւ տալ սրանց անպրօստի միջոցները:

Պէտք է նշել, որ այդ ծանր ու դժուարին օրերին միախմբուած ու միահամուռ ուժերով, բոլոր կուսակցութիւնների աշխատակցութեամբ, տարւում էր Դարաբաղի աշխատանքների պայքարը: Դարաբաղի աշխատանքները այլեւս չէր կասկածում իր յաղթանակի մասին: Նա միանգամայն ապահովուած էր:

Նժդեհը Դափանից անցել էր Հաղարու, եւ պէտք է տեղական ուժերի հետ միասին գրոհէին Շուշուայ վրայ, երբ Կարմիր բանակը գրաւեց Բաբուս:

Կարմիր բանակը Բաբուս գրաւելու երրորդ օրը, Սուլթանովը Շուշիում մնացած հայերի միջոցով յայտնում է Դարաբաղի ղեկավարութեանը, որ Կարմիր բանակը գրաւել է Բաբուս եւ Շուշիում կազմուած է «Յեղափոխական կոմիտէ» (Ռեւկոմ) իր նախագահութեամբ եւ առաջարկում է դադարեցնել յարձակողական կոմիտէի:

Դարաբաղի ղեկավարութիւնն ուշադրութիւն չդարձնելով Սուլթանովի այդ նամակին, շարունակում էր իր աշխատանքները: Սուլթանովի այդ նամակից մի քանի օր յետոյ, Բաբուսի Դարաբաղ եկան Կարմիր բանակի ներկայացուցիչները՝ Սահակ Տէր Գաբրիէլեանը եւ մի ռուս զինւորական:

Գեներալ Դրոն ընդունեց նրանց եւ նոյնիսկ համբուրուեցին Դրոն ու Տէր Գաբրիէլեանը: Տէր Գաբրիէլեանը Դրոյին ճանաչում էր շատ վաղուց՝ Բաբուսից: Ժաշկեռոյթի ժամանակ ռուս ներկայացուցիչն առաջարկում է Դրոյին, որ իր գօրամասերով վերադառնայ Երեւան՝ վստահ լինելով, որ «Դարաբաղի հայ ժո-

ղովրդի ճակատագիրը գտնուում է հաւատարիմ բարեկամների ձեռքին»: ...Ի միջի այլոց նա, տեսնելով Դրոյին զինուորական հասարակ հագուստով, ասում է. «Ես երեւակայում էի ձեզ ցարական գեներալի հագուստում, նրա ուսադիրներով»:

Ներկայացուցիչների վերոյիշեալ առաջարկին Դրոն պատասխանում է. «Ձեր առաջարկն ընդունել չեմ կարող, մինչեւ որ Հայաստանի Հանրապետութեան կառավարութիւնից կարգադրութիւն չստանամ...»:

Տէր Գաբրիէլեանը եւ նրա ընկերը լսելով Դրոյի պատասխանը, այլեւ չեն պնդում իրենց առաջարկի վրայ եւ նոյն օրը հեռանում են Լեոնային Դարաբաղից:

1920թ. Մայիսն էր, Դարաբաղի չնաղ գարունը: Բնութիւնը պննազարդուած գեղեցկուիտ տեւ էր ընդունել, սակայն այդ հիաստանչ բնութեան ծոցում տառապում էր մի բուռ ընդունակ ու աշխատասէր ժողովուրդ: Նա հրացանը ձեռքին գիշեր ու ցերեկ անձուռն, անդադար, ան ու վախը սրտում, մերկ ու ֆաղցած, շարունակում էր իր օրհասական պայքարը՝ մուսաւաքական, խանրէկական հրոսակախմբերի դէմ:

Չնայած հսկայական զոհողութիւններով, նա կարողացաւ պաշտպանել իր արժանապատուութիւնը, ազատութիւնն ու անկախութիւնը, ի դերեր հանելով թշնամու պահանջը:

Գեներալ Դրոն տեսնելով ու զգալով Լեոնային Դարաբաղի ժողովրդի տրամադրութիւնը, որոշեց իր բռնելիք դիրքը, նա շատ լաւ հասկացաւ իրերի դրութիւնը, որոշեց իր բանակով ու գործիչներով հեռանալ Դարաբաղից:

Նա լաւ գիտէր, որ Կարմիր բանակը Դարաբաղ մտնելուց, կամ կամովին պէտք է զինաբափ լինի, կամ սկսի՝ եղբայրասպան լինել, որին նա ֆաղափացիական կոչուր, որին նա դէմ էր՝ հոգով ու համոզմունքով:

Բաւական երկար խորհելուց յետոյ, Դարաբաղի իշխանութիւնը յանձնեց բոլշեւիկեան կազմակերպութեան ղեկավար բժ. Համբարձումեանին ու ինքն իր բանակով ու տեղի գործիչներով հեռացաւ Դարաբաղից...

Դրոն ընդամենը մի շաբաթ էր,